

Ministarstvo zdravstva Kantona Sarajevo (u daljem tekstu: *Ministarstvo*), kojeg zastupa Prof.dr.Haris Vranić, Ministar

Zavod zdravstvenog osiguranja Kantona Sarajevo (u daljem tekstu: *Zavod*), kojeg zastupa Sakib Katana dipl. oec., Direktor

Klinički centar Univerziteta u Sarajevu (u daljem tekstu: *KCUS*), kojeg zastupa prof.dr.Sebija Izetbegović, Generalna direktorica

JU Opća bolnica "Prim. dr. Abdulah Nakaš" (u daljem tekstu: *Opća bolnica*), koju zastupa Prof.dr. Ismet Gavrankapetanović, v.d. Direktor

JU Apoteke Sarajevo (u daljem tekstu: *JUAS*), koje zastupa mr.ph. MBA Nedim Hrelja, Generalni direktor

Zaključili su

PROTOKOL
o realizaciji programa obezbjeđenja bezglutenskog brašna za oboljele od celijakije za period 01.01.2021. – 31.03.2021. godine

Član 1.

Zavod zdravstvenog osiguranja Kantona Sarajevo će za osigurana lica na teret sredstava obaveznog zdravstvenog osiguranja obezbjeđiti:

Zaštićeni naziv	VPC (KM)
Brašno bez glutena mix B 1kg	7,29
Brašno bez glutena mix IT 500g	3,45

Učešće Zavoda u utvrđenoj cijeni proizvoda iznosi 100 %.

Navedene cijene se mogu smanjivati tokom trajanja protokola uslijed izmjene maksimalnih državnih cijena, odobrenja predstavnika proizvođača ili po drugom osnovu, a o čemu će Zavod obavijestiti apoteke.

Član 2.

Da bi se osiguranik uključio u Protokol, u momentu uključanja u Protokol mora imati kontinuiranu prijavu na obavezno zdravstveno osiguranje u Kantonu Sarajevo u trajanju od najmanje 5 godina (navedeni uslov provjerava Zavod).

Za osiguranike mlađe od 5 godina, obaveza kontinuirane prijave na obavezno zdravstveno osiguranje u Kantonu Sarajevo se računa neposredno od rođenja osiguranika.

Smatrat će se da je osiguranik osiguran u kontinuitetu ukoliko u posmatranom periodu nije imao jedan ili više prekida osiguranja u ukupnom trajanju dužem od šest mjeseci.

Osiguranici koji su uključeni u ovaj program na osnovu ranijih Protokola, ne odnosi se odredba obaveznog trajanja osiguranja iz stavova 1. i 2. ovog člana.



Član 3.

Indikacija za propisivanje bezglutenskog brašna iz člana 1. je celijakija potvrđena biopsijom tankog crijeva.

Osiguranicima koji se nalaze na bolničkom liječenju, a tokom bolničkog liječenja su im potrebni preparati iz člana 1. ovog protokola, isti će se obezbjediti na teret sredstava zdravstvene ustanove u kojoj se liječe, a ne putem ovog protokola na teret Zavoda.

Član 4.

Ovlašteni ljekar za propisivanje bezglutenskog brašna iz člana 1. prema indikacijama iz člana 2. su ljekari:

- a) za osigurana lica do 18. godine – ljekari Pedijatrijske klinike KCUS:*
 - Dr. Melunović Melika*
 - Dr. Samra Rahmanović*
 - Dr. Aida Mehić-Ahmić*

- b) za osigurana lica preko 18. godina – ljekari Klinike za gastroenterohepatologiju KCUS:*
 - Prim. dr. sci. Amra Puhalović*
 - Dr. Sanjin Glavaš*

- c) za osigurana lica preko 18. godina – najviše 3 ljekara gastroenterohepatologa koje odredi Opća bolnica*

Zavod, KCUS i Opća bolnica mogu u toku trajanja ovog Protokola izvršiti izmjene i dopune ovlaštenih ljekara propisivača o čemu je dužan odmah obavijestiti ostale potpisnike Protokola.

Navedeni ljekari su dužni voditi računa o racionalnom trošenju sredstava koji se izdvajaju za nabavku proizvoda po ovom Protokolu.

Član 5.

Osiguranci sa dokazanom celijakijom, kao i ispunjenim uslovima za uključenje iz člana 2. imaju pravo na 10 kg bezglutenskog brašna jednom mjesečno na teret sredstava Zavoda.

Član 6.

Propisivanje lijekova iz ovog protokola će se vršiti putem elektronskih recepata (eRecept i/ili eTerapija).

Zavod će obezbijediti pristup integralnom informacionom sistemu i omogućiti propisivanje elektronskih recepata kroz aplikaciju, te osigurati edukaciju i podršku u radu propisivačima prilikom rada u integralnom informacionom sistemu.

Član 7.

Propisane recepte osiguranci će moći realizovati u JU Apoteke Sarajevo –Apoteka Čengić Vila, ulica Bulevar Meše Selimovića br. 21, koja se obavezuje da će obezbijediti proizvode iz člana 1. u potrebnim količinama i iste fakturisati Zavodu, po cijenama utvrđenim ovim Protokolom.



Član 8.

Saglasnost za uvođenje u Protokol osiguranicima daje Zavod, po pismenom zahtjevu KCUS i Opće bolnice, a na osnovu prijedloga Pedijatrijske klinike i Klinike za gastroenterohepatologiju i pripadajućeg odjela Opće bolnice, uz uslov ispunjenja indikacija iz člana 3. ovog Protokola i dostavljene medicinske dokumentacije, a u zavisnosti od finansijskih mogućnosti.

Član 9.

Nadzor na racionalnom i opravdanom propisivanju i izdavanju proizvoda koji se finansiraju po osnovu ovog Protokola će vršiti ovlašteni ljekari kontrolori Zavoda.

Ukoliko u toku realizacije ovog Protokola dođe do značajnog povećanja troškova ili drugih promjena koje mogu uticati na poslovanje Zavoda, Zavod može obustaviti daljnje finansiranje proizvoda koji se obezbjeđuju po osnovu ovog Protokola.

Član 10.

Na osnovu Odluke Upravnog odbora Zavoda o privremenom finansiranju, ovaj protokol se zaključuje na period od 01.01.2021. do 31.03.2021. godine.

Član 11.

Zavod zadržava pravo izmjene cijena u toku trajanja Protokola, o čemu će obavijestiti ugovornu apoteku.

Zavod je ovlašten da vrši tehničke ispravke i dopune u Protokolu, te da o učinjenim ispravkama obavijesti ostale potpisnike.

Član 12.

Ovaj Protokol sačinjen je u pet (5) istovjetnih primjeraka od kojih svaki potpisnik zadržava po jedan (1) primjerak.

Sarajevo, 07.01.2021.godine

Ministarstvo zdravstva Kantona Sarajevo
Bil: 10-33-700/20
Zavod zdravstvenog osiguranja
Kantona Sarajevo



Prof.dr.Haris Vranić

Sakib Katana direktor Federacija Općta u Sarajevu
01-33-11111

Klinički centar Univerziteta Sarajevo




Prof.dr. Sebilja Zetbegović

JU Opća bolnica "Prim. dr. Abdulah Nakas"

Prof.dr. Ahmet Galijević

JU Apoteka Sarajevo



07.01.21

